




Versiun 24-01-2022



Fegl d'infurmaziun

Permissiun tenor il dretg da pestga e protecziun dals peschs
tar intervenziuns tecnicas en las auas

Principis

La structura ecomorfologica da l'aua, ses reschim da deflussiun e la vegetaziun da la riva han ina influenza enorma sin la purschida da spazi da viver per peschs e per autras creatiras da l'aua. Idealas èn relaziuns dal current, da la ladezza sco er da la profunditad che varieschan fermamain. Intervenziuns tecnicas vi da las auas ed en las auas han ina fitg gronda influenza sin ils facturs dal spazi da viver numnads e pon tut tenor realisaziun avair in effect positiv, neutral, ma er negativ sin il spazi da viver en las auas.

Intervenziuns architectonicas en las auas u en las rivas dovran perquai adina ina permissiun. L'Uffizi da chatscha e pestga conceda las permissiuns tenor il dretg da pestga, ordinescha mesiras per la protecziun dals animals da l'aua ed accumpogna e cusseglia il patrun da construcziun durant la realisaziun. Uschia èsi garantì che oravant tut l'aspect dal spazi da viver dals peschs vegn resguardà en moda commensurada.

Obligaziun da dumandar ina permissiun

En cas d'intervenziuns en in'aua sur terra, en sia bilantscha d'aua u en ses decurs sto il project ademplir diversas premissas legalas.

Sch'i èn pertutgads ils interess da la pestga, dovri en mintga cas ina [permissiun tenor il dretg da pestga tenor l'art. 8 LFP](#) independentamain da la decisiun da construcziun da l'autorità communal. En cas da dubi dat l'Uffizi da chatscha e pestga gugent infurmaziuns davart la necessitad d'ina permissiun tenor il dretg da pestga.

La necessitad d'ulteriuras permissiuns chantunalas po vegnir sclerida tar l'autorità da construcziun da la vischnanca pertutgada u tar l'Uffizi chantunal per il svilup dal territori. Exempels d'intervenziuns en las auas, che dovran pliras permissiuns spezialas e che ston perquai vegnir coordinadas sur ina procedura directiva dal chantun:

Edifizis ordaifer la zona da construcziun (EOZ), retratgas d'aua (p.ex. sauaziun, forza idraulica), explotaziuns da material, metter en bischens, inducziuns d'aua persa (incl. da naiv), deposit da substanzas solidas (p.ex. svidadas da tschiffadas da gera), mesiras da la protecziun cunter aua gronda, runcadas da la riva, traversas da l'aua cun conducts u vias da traffic

Exempels che dovran per regla mo ina permissiun tenor il dretg da pestga èn:

Intervenziuns en l'aua entaifer la zona da construcziun, mesiras immediatas pli pitschnas suenter auas grondas, mantegniment da las auas, lavurs da mantegniment e da reparaziun vi dad ovras electricas, permissiun posteriura tar projects da meglieraziun e tar averturas dal gaud (p.ex. traversas da l'aua cun conducts u vias da traffic), restituziuns da material en il rom da concepts da mantegniment permess da collecturs da glera, lavar aur

La permissiun tenor il dretg da pestga per intervenziuns tecnicas vegn concedida da l'Uffizi da chatscha e pestga ([art. 19 LCP](#)).

Dumonda per ina permissiun tenor il dretg da pestga


Cun excepziun da mesiras immediatas motivadas (mesiras per la protecziun da l'uman, da l'animal u da bains materials superiurs) sto la dumonda per ina permissiun tenor il dretg da pestga vegnir inoltrada en scrit almain 1 mais avant l'intervenziun planisada tar il survegliader da pestga cumpetent (da preferenza per e-mail).

Per la dumonda sto vegnir duvrà il formular ch'è publictà sin la pagina d'internet dal UCP (**Metter en il link**).

Infurmaziuns da contact




I Rain Anterior, Tomaschett Roland
Piscicultura Trun Ognas, 7166, Trun

 081 257 87 60


roland.tomaschett@ajf.gr.ch

II Rain Posterior/Rain Alpin/Gelgia/Alvra/Plessur, Meiler Curdin
Piscicultura Dorfstrasse 1, 7405 Giuvaulta


 081 257 87 61

curdin.meiler@ajf.gr.ch


III Landquart/Landwasser/Alvra, Reidt Thomas
Piscicultura Cappweg 5, 7250, Claustra

 081 257 87 66


thomas.reidt@ajf.gr.ch

IV En/Maira, Jäger Linard
Piscicultura, 7500, San Murezzan Bogn
 081 257 87 63


linard.jaeger@aif.gr.ch

V En/Rom, Gaudenz Nicola
Surrom 4 D, 7537, Müstair
 081 257 87 64

nicola.gaudenz@aif.gr.ch

VI Poschiavino, Costa Livio
Via Lunga 4, 7742, Poschiavo
 081 257 87 38

livio.costa@aif.gr.ch

VII Moesa/Rain Posteriur/Valragn, Boldini Marco
Pescicoltura Cantonale, ai vivé 3, 6557, Cama
 081 257 87 65

marco.boldini@aif.gr.ch

Cundiziuns per la protecziun da la fauna aquatica

Las suandantas infurmaziuns valan per tut las activitads da construcziun che dovran tenor l'art. 8 LFP ina permissiun tenor il dretg da pestga. La glista vala sco infurmaziun generala areguard las eventualas cundiziuns per il project e duai gidar ad adattar il project proponì a questas cundiziuns.

Avant il cumenzament da las lavurs

Il survegliader chantunal da pestga cumpetent sto vegnir orientà almain 10 dis da lavur ordavant davart il termin da l'intervenziun (guardar glista da contact). Sias ordinaziuns areguard la tecnica da pestga ston vegnir observadas strictamain.

Il survegliader da pestga chantunal cumpetent decida, sch'i ston ordavant vegnir pestgads tut ils peschs ord trajects d'aua periclitads u sch'i dovra ulteriuras mesiras da pestga (p.ex. retegnida d'aua).

Ils custs che resultan tras quai van a quint dals titulars da la permissiun.

Il titular da la permissiun sto orientar l'interpresa da construcziun e las persunas occupadas sin il plazzal davart il cuntegn da la permissiun e davart las cundiziuns da tala.

Durant la fasa da construcziun

Tar lavurs da betun na dastga nagina auo da cement defluir en l'aua.

Cun exequir las lavurs da construcziun sto vegnir guardà che naginas substanzas nuschaivlas sco ieli, benzin, auo da betun e.u.v n'arrivan en l'aua. Per l'aua persa da plazzals vala da princip la recumandaziun SIA nr. 431 «Allontanament da l'auo da plazzals».

Il tancar, nettegiar e reparar maschinas sto vegnir fatg ordaifer las auas sin ina plazza adattada per quai. Ordaifer ils temps da lavur ston tut las maschinas da construcziun vegnir deponidas ordaifer il letg da las auas sin ina plazza fortifitgada.

Turblaments da l'aua ston vegnir evitads cun retegnidas d'aua adattadas (moda da construcziun a sitg). Questas retegnidas ston vegnir determinadas ensemen cun il survegliader da pestga chantunal. Cun maschinas grevas n'èsi betg permess d'entrar en l'aua. Per las lavurs en l'aua ston sche pussaivel adina vegnir duvrads chavateras movibels.

La concepziun finala dal traject d'aua pertutgà sto avair en mira in restabiliment optimal e nua pussaivel in meglierament dal spazi da viver da la riva e da l'aua sco er garantir la mobilitad libra dals peschs. Per quest intent èsi da consultar il survegliader da pestga cumpetent.

Il survegliader da pestga chantunal cumpetent sto vegnir envidà a las sesidas da construcziun regularas sco er a la collaudaziun.

Durant ils temps da schanetg fixads en la lescha (guardar qua sutvart) èn intervenziuns en l'aua scumandadas da princip. En ils suandants cas pon vegnir concedidas permissiuns excepziunalas:

- sch'i n'èn avant maun naginas plazzas/activitads da fregar il mument da l'intervenziun u
- sche la realisaziun da l'intervenziun ad in auter mument fiss colliada cun lavur supplementara sproporziunada (p.ex. relaziuns idrologicas), e
- sch'i po vegnir garantì cun agid da cundiziuns ch'i na resultan betg donns pli gronds.

Temps da schanetg per las auas currentas

Ils temps da schanetg vegnan fixads per evitar u almain per reducir ad in grad supportabel las influenzas negativas chaschunadas da l'uman durant il temp da fregar fitg sensibel e durant il svilup suandant dals ovs e dals embryos dals peschs.

Auas da litgivas d'aua: 16-09 – 30-04 (dependent da las auas)

Auas da litschals: 16-09 – 31-05

Infurmaziuns en cas da donn u en cas d'inobservanza da las cundiziuns

Tut ils eveniments che pudessan far donn a la qualidad da l'aua (auas da surfatscha ed aua sutterrana) ston vegnir annunziads immediatamain a la vischnanca sco er al servetsch da pichet da l'Uffizi per la natira e l'ambient (sur la Centrala d'acziuns, tel. 117/118).

Las cundiziuns liadas a la permissiun ston vegnir observadas strictamain. L'inobservanza po avair consequenzas giuridicas.